

JAMHURI YA MUUNGANO WA TANZANIA

BUNGE LA TANZANIA



17 JUNI, 2015



ORODHA YA SHUGHULI ZA LEO

MKUTANO WA ISHIRINI

KIKAO CHA THELATHINI – TAREHE 17 JUNI, 2015

I. MASWALI:

OFISI YA WAZIRI MKUU:

209. MHESHIMIWA FREEMAN AIKAELI MBOWE (HAI):

Atamuuliza Mheshimiwa Waziri Mkuu:-

- (a) Je, Halmashauri ya Wilaya ya Hai ina mtandao wa barabara za lami, changarawe na udongo za kilomita ngapi;
- (b) Je, Serikali imetoa fedha kiasi gani kwa ujenzi wa barabara hizo kwenye mtandao wa barabara kwa miaka kumi (10) iliyopita na kati ya fedha zilizotolewa, ni kiasi gani kimetumika kwa ajili ya ukodishaji wa mitambo ya ujenzi;
- (c) Je, Serikali haioni kuwa ni busara kutoa mitambo ya ujenzi kwa Halmashauri za Wilaya kwa utaratibu maalum ili kupunguza kiwango cha fedha kinachotolewa kwa kazi ya ujenzi na ukarabati kila mara.

**210. MHESHIMIWA SAID AMOUR ARFI
(MPANDA MJINI):**

Atamuuliza Mheshimiwa Waziri Mkuu:-

- (a) Je, kutokuwepo kwa huduma za msingi za kijamii kama vile barabara na maji kwa Wananchi waliopisha upanuzi na ujenzi wa viwanja vya ndege Mpanda ni msingi wa utawala bora;
- (b) Je, ni hatua gani zimefikiwa za kuondoa kero hiyo baada ya Tume kufika na kuzungumza na Wananchi.

OFISI YA RAIS (MAHUSIANO NA URATIBU):

**211. MHESHIMIWA FAKHARIA SHOMAR
KHAMIS (VITI MAALUM):**

Atamuuliza Mheshimiwa Waziri wa Nchi, Ofisi ya Rais (Mahusiano na Uratibu):- Mradi wa TASAF II ulikuwa umejikita katika miradi ya Jamii na kwa kiasi fulani mradi huo ulifanikiwa kwa baadhi ya mikoa ya Tanzania:-

- (a) Je, ni mikoa mingapi kwa Tanzania Bara na upande wa Tanzania Zanzibar imefanikiwa kutokana na mradi huo;
- (b) Je, Serikali inatuambia nini kwa ile mikoa ambayo haikufanikiwa miradi yao.

WIZARA YA MAMBO YA NDANI YA NCHI:

212. MHESHIMIWA NASSIB SULEIMAN OMAR (MFENESINI):

Atamuuliza Mheshimiwa Waziri wa Mambo ya Ndani ya Nchi:- Hivi karibuni imeripotiwa katika vyombo vya habari kuwa wamekamatwa baadhi ya watu weye asili ya kihindi wakifanya kazi kwenye klabu za starehe za usiku (Night Club) na kazi zisizokuwa za heshima:-

- (a) Je, ni nani aliyewapa watu hao kibali cha kufanya kazi hizo, na kimetolewa kwa misingi gani;
- (b) Je, ni hatua gani zimechukuliwa kwa wahusika waliowaleta watu hao nchini.

WIZARA YA UCHUKUZI:

213. MHESHIMIWA SABREENA HAMZA SUNGURA (VITI MAALUM):

Atamuuliza Mheshimiwa Waziri wa Uchukuzi:-

Je, ni katika bajeti ya Mwaka gani Wananchi wa eneo la Butungu katika Manispaa ya Kigoma Ujiji watalipwa fidia ili kupisha mradi wa Bandari Kavu katika eneo hilo.

WIZARA YA ELIMU NA MAFUNZO YA UFUNDI:

214. MHESHIMIWA DKT. DAVID MCIWA MALLOLE (DODOMA MJINI):

Atamuuliza Mheshimiwa Waziri wa Elimu na Mafunzo ya Ufundi:- Kuwepo kwa Vyuo Vikuu vya St. John na UDOM kumesababisha ongezeko la watu katika Manispaa ya Dodoma:-

Je, Serikali inawatumiaje wanafunzi wanaosoma kwenye vyuo hivyo kuboresha elimu kwa kuwapanga kufundisha kwenye shule zilizoko pembezoni mwa Mji wakati wa mazoezi yao ya BTP ili kupunguza kero ya upungufu wa walimu katika shule nyingi za Dodoma Mjini.

215. MHESHIMIWA SELEMANI SAID JAFO (KISARAWE):

Atamuuliza Mheshimiwa Waziri wa Elimu na Mafunzo ya Ufundi:- Chuo cha **FDC**. Kisarawe kina majengo ya kutosha ya kuwezesha kuanzisha Chuo cha Mafunzo ya Ufundi **VETA**:-

Je, Serikali itakuwa tayari kuboresha Chuo cha **FDC** Kisarawe ili kiweze kufanywa Chuo cha Ufundi **VETA** ili vijana wengi wa Kisarawe waweze kupatiwa mafunzo mbalimbali ya stadi za kazi.

**216. MHESHIMIWA EZEKIEL MAGOLYO MAIGE
(MSALALA):**

Atamuuliza Mheshimiwa Waziri wa Elimu na Mafunzo ya Ufundi:- Sera ya Serikali ni kujenga Vyuo vya VETA kwa kila Wilaya na Msalala walishaahidiwa na Mheshimiwa Rais kuwa watajengewa Chuo cha VETA katika eneo la Bugarama na eneo hilo lilishatengwa:-

Je, Serikali ina mpango gani wa kutekeleza ahadi hiyo iliyotolewa mwaka 2010.

WIZARA YA AFYA NA USTAWI WA JAMII:

**217. MHESHIMIWA CYNTHIA HILDA NGOYE
(VITI MAALUM):**

Atauliza Waziri wa Afya na Ustawi wa Jamii:- Miaka ya nyuma Wizara ya Afya na Ustawi wa Jamii iliendesha Kampeni iliyojulikana kama Nyota ya Kijani ambayo ilielimisha jamii juu ya suala zima la Mpango wa Uzazi kudhibiti ongezeko kubwa la watu lakini Kampeni hizo hazisikiki tena:-

Je, Serikali ina mpango gani wa kuendeleza kampeni hizo ili kulinda afya ya wanawake na watoto na kudhibiti ongezeko la watu kiholela.

WIZARA YA KILIMO, CHAKULA NA USHIRIKA:

218. MHESHIMIWA SARA MSAFIRI ALLY (VITI MAALUM):

Atamuuliza Mheshimiwa Waziri wa Kilimo, Chakula na Ushirika:- Viwanda vya Sukari hapa nchini vimeshindwa kuzalisha Sukari ya kutosha hivyo kusababisha uhaba mkubwa sana kwa watumiaji wa bidhaa hiyo muhimu:-

- (a) Je, Serikali ina mpango gani wa kuagiza Sukari ya kutosha kutoka nje;
- (b) Je, ni vigezo gani vinatumika kumruhusu mfanyabiashara kuagiza Sukari kutoka nje.



II. HOJA ZA SERIKALI:

WAZIRI WA NCHI, OFISI YA RAIS (MAHUSIANO NA URATIBU)

Kwamba, Bunge likubali kujadili Hali ya Uchumi wa Taifa kwa Mwaka 2014 na Mwelekeo wa Mpango wa Maendeleo kwa Mwaka wa Fedha 2015/2016.

WAZIRI WA FEDHA:

Kwamba, Bunge likubali kupitisha Makadirio ya Mapato na Matumizi ya Serikali kwa Mwaka wa Fedha, 2015/2016.

(Majadiliano yanaendelea)



**DODOMA
17 JUNI, 2015**

**DKT. T. D. KASHILILAH
KATIBU WA BUNGE**

